

POGLAVLJE 18: STATISTIKA

Acquis EU u oblasti statistike se sastoji gotovo isključivo od pravnih propisa koji su direktno primjenjivi u državama članicama, kao što su uredbe Evropskog parlamenta i Vijeća i odluke i uredbe Komisije. Osim toga, on sadrži i širok opseg metodoloških priručnika i uputstava u raznim statističkim oblastima, kao što su poljoprivreda, ekonomska i monetarna politika, demografska i socijalna statistika i istraživanje, koje su od značaja za proizvodnju statističkih podataka. Međunarodni sporazumi pružaju širu osnovu za proizvodnju statističkih podataka.

„Zbornik statističkih zahtjeva” se sastoji od iscrpne liste svih pravnih propisa EU, neformalnih sporazuma, kao i povezanih metodoloških materijala sa kojima države članice moraju da se usklade u oblasti statistike. [Verzija Zbornika za 2016. godinu](#), će predstavljati osnovu za izradu odgovora na ovaj dio Upitnika.

Osim toga, izmijenjena [Uredba 223/2009 o evropskoj statistici](#) sadrži dodatne odredbe za nacionalne zavode za statistiku, o profesionalnoj nezavisnosti, ulozi koordinatora sistema za statistiku kao i pružalaca administrativnih podataka. [Godišnji program rada Evropske statistike za 2016. godinu](#) i [Evropski statistički program 2013-17](#) (Uredba (EU) br. 99/2013) čine vrijedan izvor za provjeru pravca kretanja *acquis*-a EU.

1. Statistiku mogu da prikupljaju i druge institucije osim Agencije za statistiku BiH. Da biste pružili cjelokupnu sliku sistema službene statistike, dostavite opis institucionalnih rješenja koja se odnose na prikupljanje podataka, proizvodnju i diseminaciju službene statistike u Bosni i Hercegovini. To bi trebalo da uključuje spisak posebnih nadležnosti različitih institucija. Na koji način se vrši koordinacija glavnih proizvođača statističkih podataka (Agencija za statistiku, Centralna banka, Ministarstvo finansija i drugih državnih organa)? Kakvi su planovi za unaprjeđenje pouzdanosti, redovnosti i uzajamne usklađenosti statističkih podataka?
2. Opišite organizacionu strukturu, popunjenost kadrovima i stepen nezavisnosti Agencije za statistiku BiH. Je li bilo pomaka u pogledu ovih pitanja proteklih godina, i kakvi su planovi za budućnost? Da li vlada može da utiče na (izbor podataka) podatke koje objavljuje državna Agencija za statistiku? Posebno se osvrnite na mjere čiji je cilj povećanje profesionalne nezavisnosti Agencije.
3. Izmijenjenom Uredbom 223/2009 o evropskoj statistici ojačane su odredbe o profesionalnoj nezavisnosti, koordinacijskoj ulozi statističkih organa u statističkom sistemu i pristupu administrativnim podacima između ostalog. U tom kontekstu, opišite kako se osigurava upravljanje statističkim sistemom, a naročito kako se osigurava profesionalna nezavisnost i koordinacijska uloga generalnog direktora i Agencije za statistiku BiH u statističkom sistemu. Kakvi su planovi za jačanje ovih aspekata upravljanja statističkim sistemom?
4. Rezultati popisa stanovništva i domaćinstava iz 2013. godine su objavljeni u junu 2016. godine. Međunarodna posmatračka misija je sastavila preporuke za arhiviranje i uništavanje popisnog materijala, te osiguravanje adekvatne zaštite ličnih podataka u sklopu toga. Kako su te preporuke provedene? Kako će se podaci sa popisa koristiti za ažuriranje uzoraka domaćinstava i koji prikupljeni popisni podaci će se sačuvati za tu potrebu?
5. Opišite usklađenost statističkog sistema u Bosni i Hercegovini sa zahtjevima koji su navedeni u posljednjoj verziji Zbornika, posebno u pogledu:
 - trenutne situacije;

- koraka koji se preduzimaju radi usklađivanja sa zahtjevima (zakonske i druge mjere koje treba preduzeti, kao što je primjena Kodeksa prakse evropske statistike, rokovi za postizanje usklađenosti);
- glavne prepreke koje se moraju ukloniti prije potpunog usklađivanja.

Ovaj opis treba dostaviti za sljedeće glavne oblasti i pitanja:

- a) Statistička infrastruktura, uključujući pravne propise o službenoj statistici;
- b) Klasifikacije i registri;
- c) Demografija i društvene statistike;
- d) Makroekonomske statistike, uključujući usklađenost i planove za povećanje usklađenosti sa Uredbom ESA2010 u svim relevantnim oblastima, te uvođenje institucionalnih sektorskih klasifikacija usklađenih sa ESA2010;
- e) Poslovne statistike;
- f) Statistika poljoprivrede, šumarstva i ribarstva, uključujući planove za provođenje poljoprivrednog popisa;
- g) Višedomenske statistike, uključujući statistike u oblasti životne sredine i energetike.